



Broj: JN1-03-16-7-8-19/22
Sarajevo, 17.6.2022.

Na osnovu čl. 69. stav (2) tač. d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na prijedlog Komisije za nabavke iz Zapisnika o pregledu i ocjeni ponuda, broj: JN1-03-16-7-8-18/22, od 3.6.2022. u postupku nabavke protokolarnih poklona za potrebe Parlamentarne skupštine Bosne i Hercegovine, Lot 5. Suvenir – tradicionalna rezbarija drveta, Kolegij Sekretarijata Parlamentarne skupštine Bosne i Hercegovine donosi

ODLUKU O PONIŠTENJU POSTUPKA NABAVKE

I.

Prihvata se prijedlog Komisije za nabavke iz Zapisnika o pregledu i ocjeni ponuda, broj: JN1-03-16-7-8-18/22, od 3.6.2022. i poništava se postupak nabavke protokolarnih poklona za Lot 5. Suvenir – tradicionalna rezbarija drveta, proveden putem konkurentskog zahtjeva za dostavu ponuda, Obavještenje o nabavci, broj: 166-7-1-13-3-26/22, objavljeno u sistemu "E-nabavke" dana 11.5.2022. iz razloga člana 69. stav (2) tačka d) Zakona o javnim nabavkama, jer nijedna primljena ponuda nije prihvatljiva.

II.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka javne nabavke protokolarnih poklona za potrebe Parlamentarne skupštine Bosne i Hercegovine, broj: JN1-03-16-7-8/22, od 22.3.2022. Ukupna procijenjena vrijednost nabavke za period 24 mjeseca iznosi 30.000,00 KM sa PDV-om. Komisija za nabavke imenovana je Rješenjem Kolegija Sekretarijata, broj: JN1-03-16-7-8-2/22, od 22.3.2022. Javna nabavka provedena je putem konkurentskog zahtjeva za dostavu ponuda i podijeljena je na pet lotova, sa sljedećim procijenjenim vrijednostima po lotovima:

| Broj lota | Procijenjena vrijednost bez PDV-a | Procijenjena vrijednost sa PDV-om |
|-----------|-----------------------------------|-----------------------------------|
| Lot 1. | 11.111,11 KM | 13.000 KM |
| Lot 2. | 5.128,20 KM | 6.000 KM |
| Lot 3. | 2.564,10 KM | 3.000 KM |
| Lot 4. | 5.128,20 KM | 6.000 KM |
| Lot 5. | 1.709,40 KM | 2.000 KM |

Tenderska dokumentacija, broj: JN1-03-16-7-8-8/22, od 11.5.2022. objavljena je u sistemu „E-nabavke“, kao i Obavještenje o nabavci, broj: 166-7-1-13-3-26/22, od 11.5.2022.

Poziv za preuzimanje tenderske dokumentacije iz sistema "E-nabavke" upućen je prema tri ponuđača i to:

- SOZR „SOFIĆ“ Sarajevo, Gazi Husrev-begova broj 39, 71 000 Sarajevo
- „PRIMAPROM“ d.o.o. Banja Luka, Vidovdanska bb, 78 000 Banja Luka
- DR „SUVENIR-S“, Visoko, Bogošići bb, 71 300 Visoko

Tendersku dokumentaciju za nabavku protokolarnih poklona za potrebe Parlamentarne skupštine BiH iz sistema "E-nabavke" preuzelo je ukupno 15 ponuđača.

Do termina zakazanog za predaju ponuda odnosno do 24.5.2022. do 10,00 sati za ovu nabavku za Lot 5. pristigla je jedna ponuda ponuđača, i to:

| Redni broj zaprimanja ponuda | Naziv i sjedište ponuđača |
|---|---|
| 1. (lot 5.) | WAGAWOOD d.o.o. Sarajevo, ul. Muhameda Kantardžića 3, 71 000 Sarajevo |

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-8-10/22, od 24.5.2022. (za sve lotove), Zapisnik o otvaranju ponuda, broj: JN1-03-16-7-8-11/22, od 24.5.2022. (za sve lotove) i Zapisnik o pregledu i ocjeni ponuda za Lot 5., broj: JN1-03-16-7-8-18/22, od 3.6.2022., sa prijedlogom za poništenje postupka nabavke.

Zadnjim navedenim zapisnikom Komisija za nabavku Ugovornog organa konstatovala je da je ponuda ponuđača WAGAWOOD d.o.o. Sarajevo, broj: 02-05/2022, od 20.5.2022. dostavljena za Lot 5. (u daljem tekstu: Ponuda), neprihvatljiva za Ugovorni organ iz sljedećih razloga:

- Ponuda nije dostavljena u zatvorenoj koverti što je suprotno tački 20. Tenderske dokumentacije Ugovornog organa, broj: JN1-03-16-7-8-8/22, od 11.5.2022. oko načina dostave ponude.
- Ponuda ne sadržava zahtjevanu potvrdu Vanjskotrgovinske komore BiH o BH porijeklu proizvoda na način kako je traženo u tački 14. 1. Tenderske dokumentacije.
- U ponudi nisu dostavljene fotografije u boji za obje vrste traženih artikala/poklona, nego samo za jednu vrstu rezbarene kutije, čime nije u potpunosti ispunjen zahtjev Ugovornog organa propisan u dijelu Tenderske dokumentacije pod tačkom 14. Tehnička i profesionalna sposobnost u smislu da se fotografije u boji dostave za sve robe koje se nude.
- Dio Ponude ponuđača - Aneks 1. Obrazac za ponudu nije potpisan od ovlaštene osobe ponuđača s ovjerom (pečatom) na za to predviđenom mjestu, kao što su potpisani ostali aneksi.

Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“, kao ni predviđenu E-aukciju, jer je dostavljena jedna ponuda koja je neprihvatljiva.

Stoga je Komisija za nabavke Kolegiju Sekretarijata Parlamentarne skupštine BiH predložila da se postupak nabavke protokolarnih poklona za potrebe Parlamentarne skupštine BiH za Lot 5. Suvenir – tradicionalna rezbarija drveta okonča donošenjem Odluke o poništenju postupka nabavke, iz razloga člana 69. stav (2) tačka d) Zakona o javnim nabavkama, jer nijedna primljena ponuda nije prihvatljiva za Ugovorni organ. Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu ove odluke

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- WAGAWOOD d.o.o. Sarajevo, ul. Muhameda Kantardžića 3, 71 000 Sarajevo
(adresa za dostavu pošte: ul. Donje Polje 40, 88 400 Konjic)
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____